

魯峰醫案
二



瘟疫類

瘟疫者乃春夏間外感時症也其症傳變後與風寒頗同初起時與風寒迥異風寒從皮毛而入一二日脉多浮而緊或緩或洪而皆浮迨傳入裏始不見浮瘟疫由中道蒸變自裏出表一二日脉多沉遲迨自裏達表脉始不沉而數或兼弦兼大而皆不浮其初起脉沉者邪在裏也遲者邪在陰分也脉象雖同於陰寒而氣味臭敗面色油膩舌苔厚潤神情煩躁之

為辨也瘟疫傳經亦與風寒不同風寒從表入裏必
從太陽而陽明而少陽而入胃若瘟疫則由裏出表
從表傳裏半表半裏表而再表裏而再裏惟視入何
經本氣之強弱為傳變其在表者發熱惡寒頭痛頭
眩項強背酸腰腿或膝酸痛自汗或無汗或耳目赤
腫腠腫發斑發疹皆是其傳裏者渴嘔胸滿耳聾口
苦腹痛或脇痛大便不通或自利小便赤澀及煩躁
譫語沉昏舌乾齒燥舌苔黃黑或舌卷舌強口咽赤

爛皆是仲景所云陽明少陽合病必自下利三陽合
病腹滿身重口不仁而面垢譫語遺尿皆指瘟疫言
非指風寒言也施治之法春令瘟疫在表自以九味
羌活湯為準方而加減之間即以六神通解散用麻
黃皆可在裏則有白虎涼膈黃連解毒三承氣諸方
表裏則有大柴胡湯半表半裏則有小柴胡湯此皆
古方均為的當第人稟造以生病隨時令而遵每
見夏令瘟疫初感一二日間肌熱烙手內躁煩渴嘔

逆謔語舌苔齒燥諸症畢具火熱內熾津液已鑠則
九味羌活湯之蒼朮白芷六神通解散之蒼朮麻黃
燥烈亢甚未可泥於古方而用之也又方書內凡嘔
吐皆用半夏蓋以半夏和胃止嘔而通陰陽也惟是
瘟疫嘔逆非熱邪客胃即胃熱發斑則火灼津槁何
堪半夏之燥烈其勢有如火上益油也故愚治瘟疫
之症目為陽火獨亢陰水偏枯在表者則用蘇葉薄
荷柴葛荆芥少佐他藥以疎解半表半裏者則用小

柴胡湯去人參半夏加生地葛根少佐他藥以和鮮
傳經入裏則用白虎湯加黃連犀角葛根梔子木通
苓瀉重用花粉以蕩熱瘟疫下不厭早固方書之定
論然近見邪熱正熾毒客胃腑之際驟用大黃芒硝
推下之藥大便一下氣隨而降則疹毒內歸熱入心
臟昏沉而斃者不可勝計愚惟用疎表清裏蕩熱之
劑待至五六日間驗其舌有黃苔腹滿或痛而拒按
為用下藥之準至經汗下病愈之後有晚間口渴煩

熱或夜間不得眠及發盜汗者正以火鑠陰液而陰
水虧竭之故也又須用地黃湯滋陰補水方無遺憾
焉區區末學何敢蛇足誠以處方用藥生死攸關故
不敢拘泥方書而輕忽人命也

目錄

清喉解毒湯 喉痺

救陰止渴湯 消渴

濟陰轉舌湯 瘟疫

補陰養榮湯 傷陰

益津潤燥湯 燥結

養陰益陽湯 汗後

羌活解瘟湯 瘟疫

解表清裏湯 表裏

清熱止痢湯 熱痢

清暑正氣湯 中暑

清胃止泄湯 吐泄

益氣定中湯 洞泄

和肝安胃湯 嘔吐

止泄二苓湯 水泄

涼血散火湯 火毒

清肺導滯湯 滯氣

補中止痢湯 休息痢

化斑湯 瘟疫

加味桂枝湯 蒸汗

育陰解蒸湯 盜汗

清熱利咽湯 咽腫

清喉解毒湯

此予治四外甥瘟毒喉痺之方也甥初

而流血涎四肢乾熱手足抽搐延醫用降火推
下之劑以致腹泄而疹毒內歸痰壅氣促昏沉
不語矣請予診視見其左尺沉微將絕遂用此
湯服頭煎至夜之四鼓能言而水吃遂以涼汗
粳米稀粥食之飲大半盞於黎明時微出而涼
而愈次日見其頭面連工身皮色俱赤退而
越十數日方脫去而見本肉色矣瘡
後服熟地養陰之藥數劑乃大愈

治三四月間外感瘟疫喉痺咽腫口糜舌焦四肢

乾熱目赤神昏手足抽搐疹毒內歸大便洩泄小

便短澀痰涎壅盛危在旦夕之症經驗忌服半夏

大黃降痰推下之藥少遲則服藥不及也

大生地 五錢 黃柏 一錢五分 元參 三錢 石蓮肉

二錢 黃連 一錢 犀角 二錢 柴胡 二錢 荊芥 二錢 黃

苓 二錢 麥冬 三錢 梔子 二錢 牛蒡子 二錢 木通 二

錢 桔梗 三錢 甘草 一錢五分

引加葶藶子七箇燈心五十寸煎服

經云一陰一陽結謂之喉痺則喉痺乃君相二火結於喉嚨而作腫痛也瘟疫乃內熱火鬱之症治

法固宜解表清裏然遇陰虧水枯之人水不濟火
心腎莫交清解何能遽愈故用生地黃柏元參以
滋陰水而瀉相火黃連犀牛角清心熱而解君火
用石蓮肉去煩熱而交通心腎手足抽搐者肝火
盛而生風也故用柴胡荊芥散肝膽之火而疎風
熱黃芩瀉肺火而養陰退熱麥冬梔子清心肺之
火而解三焦之熱牛蒡子解毒清痰而利膈木通
工通心包下達膀胱導諸熱而由小便出桔梗甘

草解毒瀉火清肺利咽即金匱之桔梗湯治咽痛
喉痺肺癰之症也又荊芥元參桔梗甘草為治喉
痺咽腫之要劑以葦椎燈心為引者解胃火而止
嘔逆入心經以降火也瘟疫有疹者大便暴泄則
疹毒內陷而成敗症且最忌痰壅氣促此為百中
救一之危症局方治煩熱消渴遺精淋漓及婦人
崩帶蓮子清心飲用石蓮肉至瘟疫疹毒方中用
石蓮肉古今方書寔所罕見予因其脉候心腎否

隔以神會而用之乃偶中焉願同道者勿以予為怪誕也

救陰止渴湯

此予治七狂七嬌外感春瘟之症頭口渴煩急之方也初起之時微得汗而頭尚覺悶裏熱亦赤清服疎解之劑心內煩躁發熱大渴予視之見其坐臥不安神色發急飲水不多而將離口又欲飲不絕問其故乃曰舌乾齒燥口無津液心中煩躁苦不可言及診其脉寸關之脉沉數惟左尺細數將絕再四詳參口渴出於胃熱而右關並無胃間燥烈之候因思趙養葵先生醫貫曾言傷寒邪熱入於胃府消耗津液故渴以六味一地黃湯大劑服之則渴立愈遂放膽用此湯服一劑口中少津液連服二

劑大生津液而渴頓止
并瘟疫裏症全消而愈

治春令外感瘟疫表雖微解而裏邪未清頭悶發
熱心中懊懷小便赤澀大渴舌乾齒燥口無津液
飲水不休而不能多下左尺之脉細數將絕之症

經驗

熟地 五錢 大生地 三錢 知母 一錢 五分 黃柏 一錢 五分

酒元參 三錢 鹽天冬 三錢 麥冬 三錢 花粉 二錢 丹

皮 二錢 不加引煎服

此乃春瘟之症傳經入裏而邪熱歸腎消耗津液
或其人素本陰虧加以瘟疫之邪故口燥舌乾煩
躁大渴也誠如趙養葵先生所云徒以苓連梔柏
等有形之水以沃無形之火安能滋腎中之真陰
乎故用熟地生地補真陰以救水知母黃柏滋腎
水以降火元參壯水而散無根浮游之火天麥二
冬滋腎潤燥益水止渴花粉滌蕩胃熱而解煩渴
丹皮瀉陰火而清心包之熱陰生則大降水壯則

渴止王冰所謂壯水之主以制陽光是也養葵先

生言以地黄湯治傷寒口渴予以熟地治瘟疫口

渴蓋亦創見也然須要認得真是真陰竭之口渴

非胃^間寔熱之口渴方可用之不可輕也

濟陰轉舌湯此予治兩姨侄外感時疫至九日面慘

煎而見小便能認人而出語服二劑表裏熱退

八劑而愈

治正二月間外感瘟疫八九日裏熱火盛目赤耳

